



## Bōnōbōnin lelok rōjañ ko an CCO / Joñan emmon in aoleb ñan 2022-2027

Jen 2013, Burokraam in Lelok Rōjañ kin Joñan Emmon eo an Oregon ej mōttan kolla ko an doulul ko rej kōlaajrak kejbarok (CCO ko) ilo an emmon aer komadmode jet bōnōbōn im joñan ejmour kin an emmon aer lelok bwe ro uwaan Oregon Health Plan (OHP) ren maron bōk jibañ. Bōnōbōn in ejmour kein ekkā aer oktak jidik kajojo yiō. Burokraam eo ej lale men ko einwōt joñan kejbarok in ejmour ro uwaan doulul eo an OHP bōke im elañe remaron bōk kejbarok in ejmour ilo jikin im ien eo ejimwe.

Ilo kōmelim eo ekāāl, Oregon ej bebe in kōmmāne tōbrak eo an burokraam eo ilo an kobaiki an lale bōnōbōn ko rej lale wāween ko raurōk rej jelōt kalijeklok ikijen ejmour.

## Bebe eo emaron kōmman ñan lale kalijeklok ko kin bōnōbōn ko

### 1. Bar Karōke Burokraam in Lelok Rōjañ kin Joñan Emmon ñan ruo mōttan jibañ ko

Oregon ekōnaan lolorjak ke aoleb ro uwaan Oregon Health Plan remaron loe im bōk kejbarok in taktō eo elab joñan. Ej bar bebe in kaurōk kumi in armij ro rej ioon kalijeklok ilo tōrre in im jen tōrre ko maanlok. Ñan lolorjak aer lale men kein jimor, Oregon ej bebe in kajimeten burokraam in bōnōbōn eo an kiō ñan ruo mōttan ko: madmōd ko ñan bōbrae im madmōd ko ñan jibañ kajojo jorrān. Kim ej kūr men kein “bōnōbōnin mennin aikuj ko” im “bōnōbōn ilo ien ededelok” kinke einwōt reba—ilo an lale men ko rej kōmman an walok ejmour nana, jemaron loi im lale mokta jen aer walok “bōnōbōn eo ilo ien ededelok” einwōt ejmour ko renana.

### Bōnōbōn ko an madmōd ko ñan bōbrae im madmōd ko ñan jolok kajojo jorrān

#### Madmōd ko ñan Bōbrae

*Wuñin an walok kalijeklok ikijen ejmour.* Bōnōbōn kein rej lale men ko einwōt jekjekin aikuj ko an armij ilo jikin im tōmak ko an armij ikijen kalijeklok. Nan waanjoñak: *An Aoleb Maron Bōk Jibañ ko Ewōr Tōkjeir ñan Bōk Jibañ in Ejmour ekkar ñan Mani.*

#### Madmōd ko ñan jibañ kajojo jorrān

*Jibañ in taktō.* Bōnōbōn kein rej lale men ko einwōt kakōlkōl ko, lelok kōmadmōd ñan nañinmij ko rejab bōjrak im wā ko. Nan waanjoñak: *Kejbarok Nañinmij in High Blood.*

### Bōnōbōnin mennin aikuj

**Juon mōttan burokraam in jibañ eo enaj koba bōnōbōn ko rej lale kalijeklok ilo ejmour.** Bōnōbōn kein renaj lale mennin aikuj ko ñan kajimwe likjab ko rar walok jen jemaan im raan kein. Juon waanjoñok

in bōnōbōn eo ej lelok jibañ in kōmadmōdin ejmour ekkar ñan manit kin kajin eo juon armij uwaan OHP ekōnaan.

### **Bōnōbōnin kōmadmōd ko emōj aer dedelok**

**Juon mōttan burokraam in jibañ eo enaj einwōt bōnōbōn ko an joñan ejmour eo ekkā doulul in Medicaid ko jet ibelakin lal eo rej kōjerbale.** Bōnōbōn in ejmour kein rej kelet jen obij eo an federal ej bōk eddon in lale Medicaid, Jikin ko an Medicare im Jibañ ko an Medicaid. Bōnōbōn kein renaj lablok aer lale jibañ in taktō eo jen jemaan, einwōt kakōlkōlin nañinmij in toñal im ien taktō ko an ajiri ñan lale aer ainemmon im ejmour.

### **2. Bar ajej kajur ñan an jukjukinbed kōmmāne kelet ko aer**

OHA ej tomak ke armij ro ilo jukjukinbed ko rej ion kalijeklok ko ikijen ejmour rej aikuj wōr aer kajur in kōmmāne kelet ko aer kin ta ko rekōnaan kōkmanmanlok im wāween aer kōkmanmanlok. Ñan jibañ an walok mennin, OHA ej bebe in jermal ibben Rikwelok ro an kien ñan jañiji Kamiti in Bōnōbōn Joñan Emmon in Injuran in Taktō ñan Kamiti in Bōnōbōn Joñan an Ejellok Kalijeklok ñan Taktō (HEQMC). HEQMC enaj lale armij ro elabtata aer jelōt jen kalijeklok ko ikijen ejmour: Ro uwaan OHP, ro uwaan jukjukinbed eo jen jukjukinbed ko oktak armij, kajojo armij ro rej mour kin aer iminene kin kalijeklok ko ikijen ejmour, im ro ewōr aer kapeel im ro rej katak kin ejellok kalijeklok ikijen ejmour.

### **3. Bar lomnak kin wāween lelok rōjañ ñan kōkmanmanlok an ejellok kalijeklok**

HEQMC im Kamiti in Bōnōbōn im Joñan enaj kelet bōnōbōn ta ko renaj lelok rōjañ ñan kōkmanmanlok ejellok kalijeklok ko elabtata kin ejmour. Ñan jibañ an Kamiti in kelet, OHA enaj lelok melele kin lal ko an armij, kumi in armij ro rej kobalok ibbeir, kajin, im utamwe. Renaj kōjermal melele in ñan lale wāween aer karōke burokraam in lelok rōjañ eo ilo juon wāween eo enaj rōjañ bwe CCO ko ren lelok bwe ro uwaan OHP renaj maron bōk joñan kejbarok eo elab ilo ejellok kalijeklok.

### **Ta melelein mennin ñan ro uwaan OHP**

Ilo kōmelim eo ekāāl, enaj wōr ainikien ro uwaan OHP im jukjukinbed ilo burokraam in lelok rōjañ kin joñan eo emmon. Jemlok in enaj ilo an burokraam eo joñe im nebar kin emmonlok ko ewōr tokjeir ñan jukjukinbed eo im elabtata aer maron kōkmanmanlok ejmour ko an armij.

Kwōmaroñ bōk beba in ilo bar jet kajin, jeje ko relab, jeje ko an ribilo ak ilo juon wewein ko kwōkōñaan. Kebaak Burokraam in Kebaak Kumi ko Rej Jermal Ibben Doon ilo Jukjukinbed ilo [community.outreach@dhsosha.state.or.us](mailto:community.outreach@dhsosha.state.or.us) ak ilo am kūrlok 1-833-647-3678. Kimij ebōk aolep kall ko rej itok kin kein jibañ ak kwōmaroñ jibed 711.